

CHINESE - JAPANESE LIBRARY OF  
HARVARD YENCHING INSTITUTE  
AT HARVARD UNIVERSITY  
MAR 15 1941

何大復學約存目

附天根冷語

龍潭精舍叢刻之六

亦復先生學親存目

周德宣署眉

王戌卯  
葉成

序

大復學約一書從不經見吾友張中孚喜訪古籍在都口  
閱書圖書館而津滬江浙各圖書館靡不周歷一日函告  
江南圖書館有大復學約三卷子心識之己未遊西湖便  
道至江南檢閱是書書分三冊明嘉靖刊本綿紙大字每  
頁十八行行十八字卷首朱印二方一隸嘒囉文庫一篆  
天安墀氏時習齋藏其地其人無考詢之館人稱是書自  
日本購回行間均旁注東洋字予以文皆習見僅鈔序文  
及分年所讀之目中國自學變後人方日以出洋求學爲  
有用而不知外人寶藏中國文字又如是之鄭重也噫庚

申夏正十二月劉海涵識

學約跋語

學約古文刻成餘姚徐九皋取而讀之其義精其文雅其  
不協於道者鮮矣乃喟然曰遐哉邈乎文之興尙矣易繇  
爻象遂遂爾典謨訓誥渾渾爾國風雅頌優優爾春秋蓋  
凜凜爾禮記大醇而小疵論語近而遠大學詳而要中庸  
深而切七篇之義弘以實明道經世其不越斯文矣乃若  
諸子三傳遷固之史猶有聖賢之遺風焉嗣是厥後文以  
時降萎蕪弗振矣我朝道化熙洽文運聿隆乃大復何子  
以文倡海內二檀楊郡伯雲石岳子少岱谷子向志古道  
於其學約有取焉鋟梓以示學者蓋欲起斯文而復之古

也嗚呼良深意哉雖然臯竊有懼焉夫  
離是故善學者博以取之精以守之畜其德而成其性於  
是而見諸身焉則約履見諸事焉則利義見諸言焉則謨  
訓典以則夫是之謂至文是君子之意也苟徒摘章繪句  
焉攻而遺其所謂畜德者則亦藝焉耳矣臯竊有懼焉嘉  
靖辛卯秋八月既望識

學約序說

信陽何景明日予初入關作學約示諸生已成材者經書

子史自宜周貫不爲書程其未成材者令學官量資作成

以相授習茲越二歲矣予日企望夫諸生之有得也然而

進退罕知其序造詣或違其方若爾優游終歸汗漫非予

之咎哉今復列爲程始自十六年春按季考省經書每歲

一週性理史鑑而下則接年續去期三歲而卒其業正誦

之餘復讀名家文字數篇要其取雖非全編而實覽大義

於是究心則古人作述之意源流可窺而斯文經緯之情

變化俱見矣理無形而藏密言有文而行遠由聖賢之訓

哈佛大學漢和  
圖書館珍藏

以至諸家之撰皆言也殊途異門積案充棟有不可窮攬者然言宣乎理理存諸心體用顯微同源無間故反求而爲已則一而有獲外馳而爲人則多而益蔽此公私之辨義利之分君子小人之向也夫子旣程其書矣諸生其自茲口誦其言心會其理身體其事擇善而用中知至以求止庶弗畔於孔門博文約禮之教而亦徵於孟氏詳說反約之傳矣苟以資乎口耳而棄乎身心繁其枝葉而剝其根本夫豈莫達亦終必亡已爾此豈諸生之咎哉正德辛巳正月旣望識

上谷岳倫曰嘉靖己丑秋余以罪出簿齊東齊士咸請學

余余曰悼哉茲文弊也久矣文以鳴道絺章者支言以立誠崇詞者叛學以潤身廣猷厥民亡實者窒夫支言離也叛言背也窒言窮也其於道遠矣世儒患不知學與不知嗜學顧學矣且嗜焉亦竟無所獲嗚呼匪特究義有用廣化乃取何子督學關中時學約付諸生其諸四書五經性理綱目之餘復采秦漢唐人文之佳者若干篇曰文以會道廣道以成教此或庶幾復慮夫卷帙浩汗難盡觀考乃取諸書手錄聚爲三卷用便誦習而前後漢晉律歷序義意頗同乃統以前漢志班固范曄二叙史遷序足該之易以陸士衡五等諸侯論袁宏三國名臣序劉昭後漢補志

序劉安精神訓意精言雅足昭世鑒亦妄附人又季增十  
三經序文併楚詞屈原漁父卜居宋玉招魂于後總計若  
千篇集成題曰學約古文學慚尙友罔量非倫云爾嘉靖  
庚寅八月望日識

二檀楊撫曰學何所以學夫人也約何所以約夫學也何  
約夫學也人之性一也稟賦有昏明焉有強弱焉是故力  
有大小不可強也等有高下不可躡也時有先後不可逆  
也匪學則弗變匪變則弗一弗變弗一惡乎人學以學之  
約以約之有以也又曰學之道明諸心而已矣心之道盡  
諸聖賢而已矣聖賢之道求諸六經而已矣及諸子史者

何譬之室焉心也者基也聖賢也者極也六經也者繩墨  
也子史也者垣墻也諸百玩物也缺一焉不可也明諸心  
以立其基盡諸聖賢以定其極求諸六經以式其繩墨博  
諸子史以密其垣墻備其玩物基以胚之極以趨之繩墨  
以理之垣墻以周之物玩以廣之是故因力以矩其化因  
等以昭其則因時以遜其施學也庶平一矣於人乎何有  
此固大復何子約學意也意喜大復往矣繼其志者雲石  
岳子也讐其訛者少岱谷子也二子之意猶夫大復也二  
檀楊子受而讀之若有契焉秘之所不忍也私之所不敢  
也遂定其篇藁而傳之俾約天下之學不自知其不可也



嘉靖十年歲在辛卯九月朔日識

東郡谷繼宗曰學約者何子造士科舉之程也卽不越五經孔氏曾孟綱目性理書復精拔秦漢以下古文年月貫列以名數令士自考已岳子藏而憂焉充棟弗集也括而類之我大夫楊子覽而賞焉曰窮鄉弗至也訂而梓之授小子讐竄豕魚于是通天下士矣或者卽科舉業視之夫豈善觀夫道哉竊五經譬太極也孔氏曾孟元氣流行也綱目性理翼衛也秦漢以下古文言之華也萬物之變化也是故善觀道者會顯于仁究蹟于動而道具矣古士苟學以文約之以禮亦可以弗畔矣夫夫畔畔夫道也士苟

口誦心潛而身體焉道在我矣于是命世德罔弗淑政罔弗準聖賢古今之訓昭矣果科舉累耶載觀隋唐宋以來率科舉取士士亦事事而豪傑往往焉振嗟夫夫豈外哉  
靖歲在辛卯十月己亥上浣之日識

學約書程

信陽何景明仲默著

第一年

春三月

四書大學上論語


易上經

書虞書

詩國風王風

春秋隱桓莊三公

禮記曲禮至禮器



性理太極圖

通鑑綱目戰國秦

賈誼治安策

董仲舒天人三策

諸葛武侯出師二表

李密陳情表

孔穎達周易正義序

增入

夏三月

四書中庸下論語

易下經

書夏商書

詩小雅

春秋閔僖文三公

禮記郊特牲至祭統

性理通書

通鑑綱目前漢

莊子雜篇天下

司馬遷自敘

班固自敘

不錄

陸士衡五等諸侯論

增入

孔安國尚書序 增入

秋三月

四書上孟子

易上下繫

書泰誓至多士

詩大雅

春秋宣成襄三公

禮記經解至三年問

性理西銘至正蒙一

通鑑綱目後漢

東方朔客難

揚雄解嘲

班固賓戲

蔡邕釋誨

崔駰達旨

韓愈進學解

孔穎達毛詩正義序 增入

冬三月

四書下孟子

易說卦至雜卦

書無逸至秦誓

詩頌

春秋昭定哀三公

禮記深衣至喪服

性理正蒙二

通鑑綱目三國

李斯上逐客書

樂毅報燕書

魯仲連遺燕將書

韓非說難

第二年

杜預春秋左傳序 增入

春三月

四書經同前

性理皇極經世一至二

通鑑綱目東西晉

李陵答蘇武書

司馬遷報任安書

鄒陽上梁王書

中山靖王聞樂對

何休春秋公羊傳序 增入

范甯春秋穀梁傳序 增入

夏三月

四書經同前

性理皇極經世三至四

通鑑綱目宋齊梁陳

賈誼過秦論

班彪王命論

干寶晉總論

陸機辨亡論

柳子厚封建論

賈公彥周禮正義序 增入

秋三月

四書經同前

性理皇極經世五至六

通鑑綱目隋

司馬相如封禪書

揚雄劇秦美新文

班固典引

韓愈平淮西碑

楊復儀禮圖敘 增入

冬三月

四書經同前

性理皇極經世七

通鑑綱目唐

史記律書敘

前漢書律歷敘 不錄

後漢書律歷敘 不錄

班固前漢律歷序 增入

孔穎達禮記正義序 增入

第三年

春三月

四書經同前

性理易學啟蒙

通鑑綱目五代

司馬相如難蜀父老檄

劉歆移讓太常博士書

嵇康與山巨源絕交書

何晏論語註疏解經序 增入

夏三月

四書經同前

性理家禮

通鑑綱目宋

史記伯夷傳

史記屈原傳

韓愈毛穎傳

劉昭後漢書注補志序

增入

傳注孝經註疏序

增入

秋三月

四書經同前

性理律呂新書

通鑑綱目遼金

王褒聖主得賢臣頌

崔瑗座右銘

揚雄諫大夫箴

增入

袁彥伯三國名臣序

增入

劉安精神訓

增入

孫奭孟子正義序

增入

冬三月

四書經同前



性理洪範皇極內篇

通鑑綱目元

屈原九歌六首

屈原九章一首

宋玉九辯五首

枚乘七發八首

曹植七啟八首

屈原卜居

屈原漁父

宋玉招魂

郭璞爾雅序

增入

龍潭精舍叢刻之七

不根炁語

附質言

周德宣署眉



蔡可十  
月葉成

叙

封邱何先生爲汝寧教授時予已忝廁膠庠每欲修謁執  
弟子禮未果歲乙巳上書求學而先生已歸道山爲惘惘  
者久之然旣不獲受業於門時以得讀遺書爲幸惟先生  
詩文予所見有兩本一自刊於汝寧一爲萊陽王爵生學  
使所刊非先生全書嘗詢先生遺著於先生高弟許士衡  
孝廉士衡爲言先生詩文未刻者較已刻文存三之一詩  
存四之三又駢文冷語質言詩鐘古文方月痕詞各一卷  
經義試帖若干卷古文方士衡已前刻今年春士衡又於  
先生哲嗣叔明所得先生未寫本十數冊將手自編錄謀

繡諸梓時予亦擬集鄉賢格言刻之以自警並餉同心誦  
先生冷語質言不能釋手遂從士衡乞錄校勘先付手民  
非敢謂表章前賢亦聊盡私淑之忱云爾癸亥夏正十月  
朔信陽門生劉海涵謹識於汴垣之求闕齋

敘

客有問于冷園主人曰子之語而冷何也冷宜無語且子  
不聞乎夏蟲不可以語冰子之語誰語耶主人曰嘻女是  
欲夏蟲天下也天下何必盡夏蟲夏蟲何必自知其夏蟲  
夏蟲不自知其夏蟲語之可也知其夏蟲語之當幡然易  
慮曰吾聞是晚矣雖然我語我耳烏知夫天下夏蟲不夏  
蟲于是語而筆諸書凡二十章用自省覽時光緒十六年  
孟春封邱何家琪

冷語目錄

天下平第一

陰陽第二

小人之類第三

得志第四

諂諛第五

驕陵第六

知己感恩第七

東施第八

博第九

目錄

倡第十

盜賊第十一

官第十二

猴戲第十三

豬第十四

蛛網第十五

膏藥第十六

文第十七

古癖第十八

時評第十九

常論第二十

冷語

封邱何家琪吟秋著

天下平第一

大學曰天下平中庸曰天下國家可均也論語曰均無貧蓋均乃天下之所以平以合乎人心之公者也執政柄者苟有卓識然後可以意進退黜陟不則莫如循資格采輿論資格輿論雖不足以待非常材猶不失大公若已不明而好自用左右近習必有以術嘗之者嘗之既久凡所自用皆爲人所賣所任皆讒諂之夫所謀皆奸利之事稍施威權或至假之以復私怨苞苴請託從此而入人心且不

平矣况天下乎

陰陽第二

陰之極而陽生陽之極而陰生非極之始生不至其極不見其生耳天道且然况人事乎是故出不可居要路處不可享盛名勛位財利不可驟得卽令百計圖維深自斂抑猶必有物焉以敗之況夫氣盈而心蕩擅作威福植黨營私蔑視儕伍方其侈然自肆以爲莫誰何而禍不旋踵蓋有以速之也記曰毋爲戎首陳嬰母曰暴得大名不祥不如有所屬事敗易以亡非世所指名婦人之見乃及此

小人之類第三

小人陰類也然其屬有二專擅把持使功利盡歸已而無敢爭此猶陰之陽也若夫外示謙讓而內豫餽焉旣已獲之乃從容謝於人曰吾固不欲也人亦從而諒之曰彼固不欲也豈非陰之陰乎

得志第四

寒士而驟第布衣而暴官初則失其常度久則喪其本心常人往往如是非獨學養之不足勢使然也稍一得志便思專權自恣戕賊同類吾不知其卒矣

諂諛第五

昔公行子有子之喪右師往弔入門有進而與右師言者



有就右師之位而與言者孟子紀媚權要者之狀如此蓋  
自古有然矣余以謂非獨媚權要也且以陽示於衆彼特  
我厚遂自忘其詔諛之醜有于酒座茗几獨歷述某公事  
及與某公語或官或字聽者陰以指計半晌稱至百十者  
驕陵第六

有勢而陵人有利而驕人可也已無勢倚人之勢已無利  
倚人之利仍復陵與驕將有不受者矣將有出乎爾反乎  
爾者矣況乎已方爲人所陵與驕旋復以身受者施于人  
若忘其嘗爲人陵與驕也者嗟乎豈直忘之耶抑安知不  
以爲吾今而後亦可以施于人援之自快也耶

知己感恩第七

古稱知己難于感恩固已吾謂今勢利諂附之徒感恩誠  
多至材藝之士知己猶易遇而感恩絕無何也豈古薄而  
今厚與古之人喜博愛士名無論識與不識不惜金幣以  
招之今雖其論交數十年深知其才之異人欲借以濟緩  
急茆茆者至出納不能決若寒士以文章書畫爲生或且  
愛之不置強役之誘獲之卒不肯稍酬以直豈得曰非知  
己哉甚矣感恩之不易遇也

東施第八

甚矣今世生計之難哉不奔競幾不得官不强暴幾不得

妻不陽劫陰給幾不得食夫無官無妻猶可也無食則死  
苟非夷齊不甘死不甘死不得不勉效陽劫陰給者之所  
爲效者衆而食只此數仍有得不得而工者得焉于是工  
者反誚不工者曰子毋爲東施也

### 博第九

今博于此一人勝而衆人負蓋博有博之路焉博之路猶  
棋之道也彼一人者惟得博之路是以恒勝又有人博亦  
勝或詰之曰余非能得博之路也但尾得路者之後竊試  
之耳然終以不獲遂大欲爲恨一日忽自奮曰是奚有路  
哉且路在自得從人後而拾其餘非夫也遂謝得路者而

爭先卒大負爲衆人笑

### 倡第十

今有人焉得十金矣求百金得百金矣求千萬金不求而  
得之不止也又有人焉得丞尉矣求令得令矣求守求使  
相不求而得之不止也夫富貴豈有極哉而必昏夜以乞  
之辱其身裂其名節以千之果胡爲哉嘗聞一客過倡調  
倡曰女亦人也可恥若是倡笑而答之曰妾非獲己也  
雖然郎之行妾所見之矣設妾處郎之地或不至如郎也  
客忸怩而去

### 盜賊第十一

食至於駝鬻可以無飢矣見人有飲鬻者必奪之雖飯狗  
弗惜也衣至于狐裘可以無寒矣見人有披單衣者必奪  
之雖被毳弗惜也夫已薄鬻奪人之駝鬻已單衣奪人之  
狐裘此盜賊所爲也反是或有不忍出曾是士大夫而爲  
盜賊所不爲耶

### 官第十二

昔永新尹大令謂余曰今世有三等官曰三等官者何曰  
強盜官騙子官乞匄官是也曰其等奈何曰挾執劫利非  
強盜與詭術要名非騙子與屈己以求利與名非乞匄與  
然則君奈何曰強盜吾不敢騙子吾不能乞匄吾不堪也

### 猴戲第十三

市中有入牽一猴負篋持鞭而鳴鑼至一所畫地爲臺猴  
尻其中牽猴者令猴戲不戲鞭戲則鑼以召衆于是猴啟  
篋爲戲或戴假面具著紗帽爲官或傅粉著紅衣爲婦人  
或荷旗爲奴爲卒或舞劍爲壯士或曳杖爲老翁或伏地  
呱呱爲嬰兒啼蓋萬狀市人環觀以爲笑戲已各擲錢猴  
手承之以易食于牽猴者牽猴者食之食未足復令戲初  
猴苦戲繼見不戲鞭而戲食也不得不戲漸戲漸忘其苦  
久之雖不得食亦戲一日不戲不樂也猴遂以戲終其身  
猴之子若孫習見乃祖乃父之戲而食也亦不白求食惟

戲號戲世家其不才者餓死市中

豬第十四

余幼時道見殺豬者哀其無辜而慘死也遂戒食豬肉長聞釋氏因果說乃歎豬之不盡無辜而慘死也嘗讀史見所書前代奸惡輩竟富貴令終亦如史所書乃益歎豬之不盡無辜而慘死也

蛛網第十五

余嘗過洛陽汎官劉君齋劉君指庭中口是地爲四面飛蟲必經之所晨起必有蛛網網蟲無一脫者蛛匿盡食之見而憫焉去其網旋去旋網求蛛所匿不可得余曰是蛛

也有不可及者五焉志之專計之巧術之捷獲之逸藏之固

膏藥第十六

仕途事人之術最巧者曰強貼膏藥蓋託于骨肉之屬也夫膏藥以貼瘡若強貼則無論其瘡不瘡矣雖然格于勢不得貼必緣左右以貼之愈貼愈堅被貼者不覺其膏藥也及覺其膏藥則已如附骨疽不可去強去則害骨肉于足隱忍焉反功膏藥膏藥之功愈大骨肉之害愈深以至于無瘡死

文第十七

文立言之一端古所謂三不朽也經以明道史以紀傳下  
至詞曲稗官勸善而懲惡體有雅俗藝有工拙其所以爲  
文何如哉今或以爲行詔之具悲夫

古癖第十八

前古金石以及名人書畫器之至雅者也而以供時玩則  
俗品之至高者也而以媚權要則污賈之至貴名之至正  
者也而挾勢以寡之設術以誑之則賤且譎至于山寺之  
造象墓穴之志銘所以歷千百年而不壞者以其藏之密  
傳之遠也彼負大力者強役石工出焉私諸不數十年之  
軀以翼永寶其真有古癖與

時評第十九

自漢季尙標榜魏晉置九品中正以門第相高蓋品評之  
無公久矣然其名目猶託于古也若今之評則不然評之  
最佳者莫如漂亮大吏拔人動稱之曰某漂亮吾初不解  
其何謂及見儔輩中有人焉衣服華潔進退周旋極趨踰  
之致于上則迎合于同類則傾軋排擠于下則欺虐而口  
謀謀若胸中于時務無不諳練其才具足抵人數千百也  
者乃恍然悟曰是殆時之所謂漂亮者也外此稍方正者  
謂之迂腐謂之假道學謂之舊氣稍狷介者謂之孤僻謂  
之老氣橫秋稍嚴峻者謂之乖張謂之有脾氣其媿褻無

狀者謂之風流其傲慢無禮者謂之脫略其機巧跋扈凡  
功利必占先者謂之精明強幹其循分知足凡事甘退讓  
者謂之忠厚或曰忠厚無用之別名也

常論第二十

世之急于干進者曰家貧親老巧于牟利者曰辦公無資  
怠于推挽者曰人微言輕慳于施與者曰心優力絀明明  
質緣得官也曰恩出自上明明無功受賞也曰道在人爲  
之數者世俗常論皆所謂舍曰欲之從而爲之詞也然人  
人道之人人以爲當然此何故哉

質言

封邱何家琪吟秋著

敬讀周官義疏聖制曰先王言利利在民後世言利利在  
官試申而論之曰古之言利利在人今之言利利在己  
凡人不可言貧言貧最墮志氣品亦不覺曰下矣  
官場動稱缺苦以請求者之多而豫塞之非獲己也人且  
哂之若施之戚友或至交反生嫌忌

聖賢入手之功第一在自反自反不惟身可修處世亦無  
入而不自得

人首貴心術正心術不正則學術治術皆非也曰講學術

治術而不知治心是謂無本

惡之欲其死此猶古人之惑也吾今見有其人已死而惡猶不止者矣謙美德也苟非出以誠心則近諂矣或藉以避事諉過不且譎乎

武三思有言于我善者爲善人于我惡者爲惡人雖出于奸邪要亦祇是世情耳蓋有我天下遂無真是非

知善殺人之爲不殺人則人之殺者少矣知不省費之爲省費則費之所省者多矣

內結奧援而外以不干人爲號陰餽意悖而陽以不諛上爲名不干不諛有甚于干諛也

不淫佚固婦道之常然未有淫佚而能盡婦道者也不愛錢固吏職之常然未有愛錢而能盡吏職者也

身已貴顯與寒士爭名且不可況利乎

操利權者怨之府也雖皆公而無私或且以爲貪矣執名券者諉之叢也雖有臧而無否或且以爲徇矣

勢已不能據而後去曰吾本不戀此利已不能專而後讓曰吾本不淨噫晚矣

片言之不慎殺女軀矣一行之不檢累女德矣

世之稱人並曰名節夫名非節比也名盛則節敗節堅而後名完

節貴于晦不貴于顯若故標其節以自見者未有能堅者也

讀萬卷者不如識一字夫所謂識字者以其能行此一字也苟不能行雖精于小學凡字之形聲訓詁古今異同考據碻鑿著書滿家與不識字何異

博于記誦而不工于文是徒博也勤于著述而于爲人爲官之道一無講求甚且悖焉工文又適害之矣書曰不作無益害有益

朱子讀書法六條余謂以切己體察爲第一義苟讀書而不體于己則書自書我自我雖讀萬卷奚以爲

爲文固貴有關係所謂載道所謂立言所謂有物祇是垂戒不可有意罵人吾友溫江王澤山云日日罵人日日自罵快哉論乎

詩有美刺文具體春秋有褒貶其事其人得罪天下可垂戒後世者或不敢直斥則出以微詞然亦須先自克若持世而不修身匪特務外人亦必不能恕之矣

講時務通人情本易爲鄉原小人所藉口然有志聖賢者一味守經不參以時務人情之見非迂腐卽偏執學者不可不知

今天下皆作時文者矣真讀書者幾人哉余謂今之人尙



稍明理者正賴時文未廢耳作時文者若能切已何患不  
可爲聖賢科第云乎哉

